

RANZ DES VACHES.

De la Gruyère.

Mélodie populaire.
Lento.

Casimir Meister.

Piano.

pp

p

m.g.

rall.

Lè - j-ar - ma - lyi di Co - lon - bè - tè,

Dè bon ma - tin, chè chon lè - vâ, Ha ah! ha ah!

Lyô - ba! Lyô - ba! por a - ri - à. Lyô - ba! Lyô - ba! por a - ri à.

1^{er} Refrain. (*plus vite.*)

p

pp clochettes

Vi - ni - dè to - tè, Blyan-ts'è nè - rè, Ro-dz'è mo - thê - lè, Dè - jo chti tsâ - no,

RANZ DES VACHES.

De la Gruyère.

Lè-j-armalyi di Colonbètè,
Dè bon matin chè chon levâ,
Ha ah! ha ah!
Lyôba! lyôba! por ariâ. (bis)

1^{re} Refrain:

Vinidè totè,
Blyants' è nèrè,
Rodz' è mothêlè,
Dèjo chti tsâno,
Yô vo-j-ârio,
Dèjo chti trimblyo,
Yô i trintso.

Lyôba! lyôba! por ariâ. (bis)

2^{me} Refrain:

Lè chenalyirè
Van lè premirè,
Lè totè nèrè
Van lè dèrèrè.

Lyôba! lyôba! por ariâ. (bis)

Kan chon vignè i bâchè-j-ivouè,
Tsancro le mé! n'an pu pachâ.
Ha ah! etc.

„Mon poûro Pyéro tyè fan-no pêche?
No n'no chin pâ mô inrinblyâ.“
Ha ah! etc.

„Tè fô alâ tapâ à la pouârta,
A la pouârta dè l'incourâ.“
Ha ah! etc.

— „Tyè voli-vo ke li diécho
A nouthron brâvo l'incourâ?“
Ha ah! etc.

— „I fô ke no diéch' ouna mècha
Por ke no li puéchin pachâ.“
Ha ah! etc.

Ly'è jelâ tapâ a la pouârta
È l'a de dinche a l'incourâ:
Ha ah! etc.

„Fô k' vo no diéchi ouna mècha
Por ke no li puéchin pachâ.“
Ha ah! etc.

L'incourâ li a fê rêchponcha:
„Poûro Pyéro! che te vou pachâ,
Ha ah! etc.

„Tè fô mè balyi' na motèta
Ma ne tè fô pâ l'èhlyorâ.“
Ha ah! etc.

— „Invouï-no vouthra chèrvinta;
No li farin on bon pri grâ.“
Ha ah! etc.

— „Ma chèrvinta ly'è tru galéja,
Vo porâ bin la vo vouèrdâ!“
Ha ah! etc.

— „N'ôchi pâ pouère, nouthron prithè;
No n'in chin pâ tan afamâ.“
Ha ah! etc.

„Dè tru molâ vouthra chèrvinta,
Fudrè èpè no confèchâ.“
Ha ah! etc.

„Dè prindre le bin dè l'èlyije,
No ne cheran pâ pèrdenâ.“
Ha ah! etc.

— „Rétouârna t'in, mon poûro Pyéro!
Deri por vo n' Avé Mariâ.“
Ha ah! etc.

„Prou bin, prou pri, i vo choèto,
Ma vini mé chovin trovâ!“
Ha ah! etc.

Pyéro rêvin i bâchè-j-ivouè
È to le trin ly'a pu pachâ.
Ha ah! etc.

Ly'an mè le kuô a la tsoudère
Ke n'avan pâ la mity'ariâ.
Ha ah! etc.